

# e-sisa RM31.3j dirampas dari kilang dalam ladang sawit

**Ipoh:** Pasukan Gerakan Am (PGA) merampas sisa elektronik (e-sisa) RM31.3 juta dalam serbuan ke atas kilang haram yang beroperasi di ladang kelapa sawit di Parit.

Komander Briged Utara PGA Ulu Kinta, Senior Asisten Komisyoner Shahrum Hashim, berkata dalam serbuan kelmarin, antara barangan dirampas termasuk 81 bongkah e-sisa seberat 105,300 kilogram (kg), 5,000kg arang batu, dua kenderaan pacuan empat roda, lori treler dan bangunan pemprosesan berkeluasan 8,400 kaki persegi.

"Hasil siasatan mendapati kilang haram yang terletak kira-kira lima kilometer dari jalan utama itu disyaki menjalankan aktiviti pemprosesan e-sisa secara haram menggunakan peralatan khas dan tanpa sebarang kelulusan pihak berkuasa.

"Operasi dilaksanakan dengan kerjasama Jabatan Alam Sekitar (JAS) Perak, Majlis Daerah Perak Tengah (MDPT) dan Pejabat Daerah dan Tanah Perak Tengah itu turut menahan tiga lelaki tempatan berusia antara 36 hingga 70 tahun bagi membantu siasatan," katanya menerusi satu kenyataan, semalam.

Shahrum berkata, kes disiasat mengikut Seksyen 18, 19, 34B Akta Kualiti Alam Sekeliling 1974, Seksyen 6 Akta Peniaga Sekendhend 1946 serta Seksyen 127 Kanun Tanah Negara.

Beliau berkata, pihaknya juga mempergiat usaha penguatkuasaan dan tidak berkompromi dengan mana-mana pihak yang menjalankan kegiatan haram itu, khususnya di Perak.

"Masyarakat atau pengguna diseru supaya menjadi mata dan telinga bagi menyalurkan maklumat kepada pihak berkuasa berhubung aktiviti yang menyalahi undang-undang," katanya.

BERNAMA



KILANG pemrosesan e-waste haram dalam ladang kelapa sawit di Jalan Senggang, Parit diserbu PGA Briged Utara.

# PGA rampas e-waste RM31j di ladang sawit

81 blok e-waste 105,300kg ditemui di kilang pemrosesan haram

Oleh Zahratulhayat Mat Arif  
[zahabstulha@nst.com.my](mailto:zahabstulha@nst.com.my)

**Ipoh**

Pasukan Gerakan Am (PGA) Briged Utara membongkar operasi pemrosesan e-waste haram berskala besar yang berselembunyi dalam ladang kelapa sawit di Jalan Senggang, Parit, menyaksikan bahan berbahaya bernilai lebih RM31 juta dirampas.

Komandernya, Senior Asisten Komisyoner Shahrum Hashim berkata, Op Hazard yang dilakukan kelmarin itu turut menahan tiga lelaki tempatan berusia antara 37 dan 60 tahun.

Katanya, ketika serbuan jam 9 pagi itu anggota menemuan menemui sebuah kilang haram kira-kira

5 kilometer dari jalan utama yang terdapat sebuah lori treler dengan muatan sisa elektronik (e-waste) dipadatkan dan belum diproses.

"Pemeriksaan menemukan 81 blok e-waste yang disyaki seberat 105,300 kilogram (kg) bersama 5,000kg arang batu, pelbagai peralatan pemrosesan e-waste, dua kenderaan pacuan empat roda dan sebuah bangunan dianggarkan 8,400 kaki persegi, dipercayai digunakan untuk pemrosesan e-waste.

"Jumlah anggaran nilai bahan dan aset yang dirampas adalah RM31.3 juta," katanya dalam satu kenyataan semalam.

Shahrum berkata, siasatan

awal mendapati sindiket terbabit menjalankan pemrosesan e-waste tanpa lesen yang sah.

"Kami mengesyaki pembabit sindiket yang lebih besar beroperasi di seluruh negeri dan sedang mengpergiat usaha untuk mengesan individu lain yang terbabit.

**“E-waste dirampas diserahkan kepada Jabatan Alam Sekitar Perak Shahrum”**

"E-waste yang dirampas diserahkan kepada Jabatan Alam Sekitar Perak untuk siasatan lanjut," katanya.

Bellau berkata, PGA komited untuk membanteras aktiviti pemrosesan e-waste haram di seluruh wilayah utara.

"Kami tidak akan berkompromi dalam menguatkuasaan undang-undang, terutama dalam kes yang

membabitkan kemudatan alam sekitar dan keselamatan awam.

"Orang ramai digesa untuk melaporkan sebarang aktiviti pemrosesan sisa yang mencurigakan atau haram kepada pihak berkuasa yang berkaitan untuk membantu menjaga alam sekitar," katanya.

Kes diasias di bawah beberapa seksyen Akta Kualiti Alam Sekeliling 1974 termasuk Seksyen 18 kerana menjalankan aktiviti yang ditetapkan tanpa lesen; Seksyen 19 kerana membina struktur untuk aktiviti tersebut tanpa kelulusan; Seksyen 34A kerana beroperasi tanpa kelulusan Penilaian Impak Alam Sekitar dan Seksyen 34B kerana menyimpan atau melupuskan sisa terjadual tanpa kebenaran.